

武英殿聚珍版丛书

天

地

人

物

事

理

法

道

文恭集卷十五

宋

胡

宿

撰

外制

葛源可司封員外郎制

敕國家沿挾銅之令以收七福因採山之法用廣五銖
參選幹能分涖經畫屬敘稍遷之典宜推加異之恩具
官某材堪治煩政有能迹嘗更守于列郡適分委于輶
車按南州寶冶之饒佐縣官園府之用宣勞于外興利
在公章敘前勤聯及今績宜寵左曹之秩用優主爵之

名就虔吾恩益營乃職

田京可度支員外郎元積中楊佐竝可屯田員外郎胡世卿可國子博士制

敕具官某等夫勞之弗圖治道或弛賞以合勸政體乃脩歷代攷課之規所以聳善而旌伐也以爾等敏有才具蔚爲時髦或文雅自將飭士範而無缺或法律可任條吏事而有餘參服治朝之聯分持衆職之劇有資優而望舊或課最而職脩胥應陟書差進清秩稍遷支度初拜墾屯竝爲郎選之華且旌文士之美尚圖來績庸

對茂恩

盧成可度支員外郎吳祕可屯田員外郎張珪可
虞部員外郎陳象之可比部員外郎制

敕具官某等朕沿三歲之比稽庶位之勞表顯治功差
升茂秩泛存至勸抑惟舊章爾等體行莊脩力局開敏
參穆王官之序分條吏職之煩或擁傳巡行按章覆讞
糾虔中法平處弗冤或守境寬平監州敏肅竝援功次
之令具條官闕之成校最信然進秩宜爾支度要部比
勾劇曹乃至虞衡之司悉通辰象之應尚懷擢序勿替

文考集 卷五
厥脩

吳授可金部員外郎制

敕具官某任宰旅之士稱公臣之良總振諸曹之綱習
知決事之目資有敏濟號爲練更適者攷制九筵奉祠
五室惟禮文之繁縟經几案之推行令有先庚之明事
無愆素之闕肆勤可紀覃賞用優稍遷應宿之郎俾進
司金之秩往承襃渥益務恪恭

吳授可主客員外郎制

敕某朕用閏成之法稽官治之勞矧乃宰士之良任夫

公府之重練更有補擢敘則宜以爾行義俱優力局參
敏選自銓流之美嘉其士矩之脩寘諸堂塗寵以朝秩
試右曹之劇則書案弗畱委都目之繁則事條畢舉稽
歲庸而懋著閱府奏以敘陳較然宿勤協于攷法春官
有屬建禮爲郎仍序貴臺之廷兼煥積星之位益圖慎
履用對遷恩

呂公弼可兵部員外郎制

敕某官著攷法雖審較于行能職重首曹亦參視于人
地以爾承世濟之善有德器之稱中握計籌外按使斧

臨劇煩而自若躬和粹而弗流選自省聯攝糾都獄雖
平反之尚淺在審克而則精更試之效已聞稍遷之典
惟舊姑寵七兵之秩用服一臺之華往服茂恩勉濟遠
業

張環可兵部員外郎制

敕具官某夫振滯淹者所以圖官次之效獎沖退者所
以厚天下之風伸以旌褒聳夫流蔽以爾敏文強識遠
量直躬履通介而能全安醜夷而忘競善處其厚有隨
和而弗珍能裁諸煩迎干鎔而立斷中祕入直外治數

更久次而不改其常衆競而獨安于靜朕心嘉此議者
賢之特推躡等之恩用獎秉彝之操七兵之屬秩峻中
臺三吳之佳使優諸部尙繁舊貫勉緒成勞

徐宗況可兵部員外郎陳旭吳奎可起居舍人制
敕某等朕永思考道儀刑前王卽路寢之祕嚴脩合宮
之齋享率義而尊配典明德以薦馨香神靈居歆天人
合貺因以孚朝慶之典時則厚諫霑之臣以爾宗況行
義清脩志力强正以爾旭夙識經遠學術研幽以爾奎
方潔無渝勁正不撓竝以瓌望而充本朝或嘗冠惠文

論事有切劘之益或入對制策納忠無回隱之私置之
諫垣補我闕職復能奮繇直道數進苦言逮齋祓之陪
詞率嚴恭而服禮熙成受祉覃施澤勞入妙一臺進聯
二史往承茲渥益思而忠

張中庸可兵部員外郎高良夫可金部員外郎解
賓王可兵部郎中石揚休可祠部員外郎制

敕具官某朕格太室還祀明堂靡神不宗惟帝是饗至
陽顯見休景晏溫受茲元祺均爾庶位以明祝釐之美
不欲專之朕躬以爾等選自臺觀之華參裁都輦之劇

奉若吾語虔乃祠事靖共在列奏假無言詩不云乎奉
璋戢戢髦士攸宜疇茲成勞進爾茂秩杜史職雖峻臺
郎選亦清睠言四士之良竝從一等之泛益思自效其
在懋承

麻温故可職方員外郎制

敕朕據閏成之法校吏治之最先期以勤遠急賞而勸
勞以爾某術學兼資質文參映躬清素之履服澹退之
尚潛在郎署曾醜夷之弗爭孤于守藩亦名教之爲樂
宣我勤約之詔敷于豈弟之風條上計文覆應褒典亦

文苑集 卷五
以久法是宜稍遷臺郎主于文書職方辨于圖志且獎
弱翁之行勿興顏駟之嗟

陳巽可職方員外郎制

敕具官某夫寬柔以教者南方之俗安靜不苛者循吏
之治上計若最進秩宜優以爾擢從畯良乃服清素果
于從政篤在首公以中臺之秋聯委臨川之朱轂績效
著于列郡閎閱集于有司參校不誣擢敘爲允進司方
志之掌居爲名秩之華往佐夏官尙圖民瘼

凌景陽可職方員外郎制

敕具官某夫詳試政事稽參治狀因閏成以大比用最
法以次遷竄無遺勞姑用振滯以爾著南土之望服中
臺之員名有清文濟以美政來上滿計交應陟科稍遷
右曹且服前列臺郎漢制主作文書職方夏官掌領圖
志竝爲名秩之美允宜才彥之居尙懋厥官往欽茲寵
謝頤素可職方員外郎趙慎微可比部員外郎王
得賢可虞部員外郎張擇仁可太常博士冀尙王
日宣竝可太子中舍人制

敕某等夫吏績成于外賞格著于中因閏閱之成勞速

置郵而傳命就用遷秩以明亟賞爾等資承吏幹之敏
參服王官之采肅將朝委領刺州疆或宣賦縣條或典
幹事局有寬平愛物之迹無煩苛朘民之譏列上計文
優中遷法臺職之劇則有主方貢司物計案此下似脫此部語句
惟山澤之大繫虞衡之掌至于奉常儀絕承華僚選咸
用流品之入差次名秩之除旌陟在茲欽祗無忽

李郟可駕部員外郎元絳可都官員外郎李頤可
太常博士林盛可國子博士制

敕某等夫陟典之寬則才路無壅攷法之密則課目難

究歲以爲限時惟厥中以爾剡才敏政成習爲吏之術
以爾絳文清行茂贊治財之策以爾頎風業脩舉所至
有稱以爾盛吏文淹通號爲無害竝條守宰之效參敘
支度之勞治功較然恩典宜及承司駕中都之務進容
臺太學之聯竝爲懋遷尚思來效

管朝宗可庫部員外郎徐峻可太常博士董壽范
存竝可殿中丞呂公垂可右贊善大夫李需趙昌
王乾祐竝可太子中舍人制

敕某等書伐以期視成于閏攷合功令差進秩次使在

位者得以勸仰而有力者無所忽遺爾等或擢自秀科
或奮從力學亦階舊德之食參賦治民之經安靜無華
廉平有迹類上三年之計進稽六敘之文據法當遷在
賞宜信司甲待事抱藎相儀尚丞典名物之煩儲案通
表著之籍竝爲朝選之美就服詔除之榮務推精誠勉
思政術

劉杞可都官員外郎制

敕某朕咨擇州將出賦朝經參置郎官遙承臺務差進
秩次褒勸治功以爾本廉茂之升資膚敏之用比更試

于煩事適假守于劉城政舉以脩計上曰最義圖泛勸
法著稍遷擢之秋聯典我隸士尚謹循良之目以承甄
寵之恩

錢括可都官員外郎張師臯可虞部員外郎制

敕某等夫堯之熙衆績則曰明試以功周之較羣吏則
曰敘正其治咸所以攷政實辨才否然後論陟之也以
爾括階仕科而尚風業以爾師臯任門籍而有幹資竝
馴致周行亦更試煩事或臨淮之劇方駕倅車或砥柱
之艱參督漕舸來上歲課胥協賞條都隸進聯澤虞陞